



Un piçul lapsus dal ostîr, che al à scrit “lapils” invezit di “lapii” al ispire chest cjapitulut su la lenghe furlane.

In gjenerâl par furlan si fasin i plurâi cun -s:

*gjat > gjats*

*len > lens*

*fier > fiers*

*barbe > barbîs*

*poç > poçs*

Ma se un sostantîf o adietîf masculin al finîs cun -L (o ciertis voltis ancje cun -LI)alore il plurâl masculin al è in -I:

*biel > bieî*

*stîl > stîi*

*zenoli > zenoi*

*voli > voi*

In particolâr si à di stâ atents tai adietîfs che a àn il singolâr compagn tra masculin e feminin, parcè che tal plurâl invezit si diferenziin:

singolâr: *un fat normâl - une robe normâl*

plurâl: *i fats normâi - lis robis normâls*